

# 卷十六

書名 春秋穀梁註疏二十卷  
 撰者 晉 范甯 集解，唐 陸德明  
 音義，唐 楊士勛 疏  
 卷 卷十六  
 內容分類 經 春秋-春秋穀梁-唐  
 索書號 經部-彙刻-1  
 編號 A 329600

[彩色首頁1](#)

[東洋文化研究所漢籍目錄 編號: A 329600](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本春秋穀梁註疏二十卷](#)

版權所有: [東京大學](#) [東洋文化研究所](#)

[使用上的注意事項](#)

春秋穀梁註疏隱公卷第一  
一起元年 盡三年

晉范甯集解

唐楊士勛疏

## 春秋穀梁傳隱公第一


**疏**

春秋至第一。釋曰春秋者此書之大名傳之解經

隨條即釋故冠大名於上也名曰春秋者以史官  
 編年記事年有四時之序春先於夏秋先於冬故  
 舉春秋二字以包之賈逵云取法陰陽之中知不  
 然者以孝經云春秋祭祀以時思之豈是取法陰  
 陽之中故知非也玉藻云動則左史書之言則右  
 史書之左史所書春秋是也右史所書尚書是也  
 則春秋立名必是仲尼以徃三代以來不審誰立  
 之耳仲尼所修謂之經經者常也聖人大典可常  
 遵用故謂之經穀梁所修謂之傳不敢與聖人同  
 稱直取傳示於人而已故謂之傳魯世家隱公名

所究研京東院學化文方東

No. 2390





春秋穀梁註疏襄公卷第十六

起十六年盡三十二年

晉范甯集解

唐楊士勛疏

十有六年春王正月葬晉悼公

三月公會晉侯宋公衛侯鄭伯曹伯莒子邾子薛伯杞

伯小邾子于溴梁



溴梁地

閬古

戊寅大夫盟



夫也諸侯在而不日諸侯之大夫大夫不臣也

晉人執莒子邾子以歸



晉人執至以歸。釋曰諸侯不得私相治執之以歸非禮

明矣

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

秋齊侯伐我北鄙圍成

大雩

冬叔孫豹如齊

十有七年春王二月庚午邾子貜卒

○職音閑左氏作攄



宋人伐陳

夏衛石買帥師伐曹

秋齊侯伐我北鄙圍桃齊高厚帥師伐我北鄙圍防

九月大雩

○釋曰前年大雩不月此月者傷十一年傳曰雩月正也是九月八月雩

得正也故月前年雩不正時也

宋華臣出犇陳

冬邾人伐我南鄙

十有八年春白狄來

○不言朝不能行朝禮

夏晉人執衛行人石買

○稱行人怨接於上也

怨其

君而執其使稱行人明使人爾罪在上也。○其使所吏反下同  
**○**怨其君至在上也。○釋曰稱人以執是執有罪  
**○**范云明使人者謂稱行人者明罪在君上故云明使人非謂稱行人以罪晉也重發傳者楚是夷狄嫌晉之主盟當與故重明之

秋齊侯伐我北鄙


冬十月公會晉侯宋公衛侯鄭伯曹伯莒子邾子滕子

薛伯杞伯小邾子同圍齊。**○**非圍而曰圍。**○**據實伐

齊有大焉亦有病焉。**○**齊若無罪諸侯豈得同病之

乎非大而足同焉。**○**齊非大國諸侯豈足同共圍之

與。○同與音餘諸侯同罪之也亦病矣。**○**諸侯同罪大國



是不量力必為大國所讐則亦病矣。**○**非圍至病矣。○釋曰知非

圍者以十九年經云至自伐齊不以圍致故也傳言非圍而曰圍者解經不以實言之意齊有大焉亦有病焉謂經稱同圍之意齊雖有事大國焉亦有罪惡焉病所罪惡也謂數伐魯以數伐魯又復國大故稱同圍之耳非大而足同與覆上齊有大焉諸侯同罪之意也謂齊若非大國何須諸侯同罪之也亦病矣謂齊是大國諸侯共同罪之必為大國所讐是取禍之道故云亦罪惡矣言諸侯與齊同有罪惡也

曹伯負芻卒于師。**○**閔之也。**○**閔之也。○釋曰僖四年許男新臣卒彼內桓師

故不地知言卒于師者皆閔之也

楚公子午帥師伐鄭

十有九年春王正月諸侯盟于祝柯。**○**前年同圍齊之

諸侯也祝柯齊地。○祝柯古河反註同晉人執邾子公至自伐

齊。**傳**春秋之義已伐而盟復伐者則以伐致。**傳**亳城

北之類是。○復扶又反下及註皆同盟不復伐者則以會致。**傳**會

于蕭魚之類是祝柯之盟盟復伐齊與。**傳**怪不以會

致。○與音餘曰非也。**傳**不復伐齊然則何為以伐致也曰

與人同事或執其君或取其地。**傳**同與邾圍齊而晉

執其君魯取其地此與盟後復伐無異。**傳**或執至其

據此傳文事實在邾不關于齊而以伐齊致者以明

實伐齊盟後又或執其君或取其地與盟後復伐無

與故託事以見意罪晉執君惡魯取地若其實不伐齊亦不得以伐致也



取邾田自澗水。**傳**以澗水為界。○澗水火號反又音郭水名也。**傳**軋辭

也。**傳**軋委曲隨澗水言取邾田之多。○軋於八反也。**傳**軋辭

釋曰公羊以為澗水移入邾界魯隨而有之今云軋辭者軋謂委曲經言自澗水者委曲之辭也一解軋辭者軋謂委曲言取邾田委曲隨澗水為界之辭言其多也其不日惡盟也。○惡烏路

反其不日惡盟也。○釋曰謂執君取地

季孫宿如晉

葬曹成公

夏衛孫林父帥師伐齊

秋七月辛卯齊侯環卒

晉士句帥師侵齊至穀聞齊侯卒乃還還者事未畢

之辭也

還者至辭也。釋曰重發傳者嫌內外與何休廢疾難此云君子不求備於一人

士句不伐喪純善矣何以復責其專大功也鄭玄釋之曰士句不伐喪則善矣然于善則稱君禮仍未備

故言乃還不言乃復作未畢之辭還者致辭復者反命如鄭之言亦是譏士句不復命也然如鄭意以乃

還為惡乃復為善則公子遂至黃乃復又為惡之者彼以遂違君命而反故加畢事之文欲見臣不專君

命與此意少異此既善不伐喪復為事畢之辭則是純善士句故以未畢之辭言之

受命而誅

生死無所加其怒不伐喪善之也善之則何為未畢

也君不尸小事臣不專大名善則稱君過則稱已則

民作讓矣士句外專君命故非之也然則為士句者



宜奈何宜壘帷而歸命乎介

除地為墀於墀張帷

反命于介介歸告君君命乃還不敢專也

○墀音善介音界副

也使

八月丙辰仲孫蔑卒

齊殺其大夫高厚

鄭殺其大夫公子嘉

冬葬齊靈公

城西郭

叔孫豹會晉士句于柯

柯地

叔孫豹

卷之六

汲古閣

城武城

二十年春王正月辛亥仲孫速會莒人盟于向向莒

邑○向舒亮反

夏六月庚申公會晉侯齊侯宋公衛侯鄭伯曹伯莒子


邾子滕子薛伯杞伯小邾子盟于澶淵澶淵衛地

○澶市然反

秋公至自會

仲孫速帥師伐邾

蔡殺其大夫公子溼蔡公子履出奔楚



陳侯之弟光出奔楚諸侯之尊弟兄不得以屬通其

弟云者親之也親而奔之惡也顯書弟明其親也

親而奔逐之所以惡陳侯弟光左氏作黃惡音烏路反所以

○釋曰知非惡光者以傳例歸為善自某歸次之以

二十三年云光自楚歸于陳又且專之稱弟罪衛侯

叔老如齊

冬十月丙辰朔日有食之

季孫宿如宋

二十有一年春王正月公如晉



邾庶其以漆閭丘來奔傳以者不以者也國凱曰人臣

無專祿以邑叛之道閭力居反釋曰重發傳者此

非用兵之以故昭五年莒牟夷以牟婁及防茲來奔

傳曰及防茲以大及小也是小大不敵故當言及今

不言及為小來奔者不言出舉其接我者也漆閭丘

夏公至自會

秋晉欒盈出奔楚

九月庚戌朔日有食之

冬十月庚辰朔日有食之釋日有食之。釋曰此年與二十四年皆頻月日食據



今曆無有頻食之理但古或有之故漢書高祖本紀亦有頻食

曹伯來朝朝遙反

公會晉侯齊侯宋公衛侯鄭伯曹伯莒子邾子于商任

商任某地音壬

傳庚子孔子生釋庚子孔子生。釋曰仲尼以此年

公二十二年生者馬遷之言與經典不同者非一故與此傳異年耳

二十有二年春王正月公至自會此公至自會。釋曰此與二十一年公

如晉皆月者依傳例月者有危傳不記危之事未可知也何休云善公能事大國案下沙隨會公至不月

則何說非

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾子滕子

薛伯杞伯小邾子于沙隨公至自會

楚殺其大夫公子追舒

二十有三年春王二月癸酉朔日有食之


三月己巳杞伯句卒

○句古害反

夏邾畀我來奔

○畀必二反

葬杞孝公



陳殺其大夫慶虎及慶寅傳稱國以殺罪累上也及慶

寅慶寅累也

陳侯之弟光自楚歸于陳傳光反稱弟言歸無罪明矣

晉欒盈復入于晉入于曲沃傳曲沃晉地○復扶又反

秋齊侯伐衛遂伐晉

八月叔孫豹帥師救晉次于雍渝傳雍渝晉地○雍於用反又

如字渝羊朱反傳言救後次非救也傳惡其不遂君命而專

止次故先通君命而後言次尊君抑臣之義鄭嗣曰


次止也凡先書救而後言次皆非救也僖元年齊師

宋師曹師次于聶北救邢此師本欲止聶北遙爲之  
 援爾隨其本意而書故先言次而後言救豹本受君  
 命救晉中道不能故先言救而后言次若鄭伯未見  
 諸侯而曰如會致其本意○惡其音烏路反下傳惡  
 仲反又○言救至救也○釋曰后言次爲非救則以  
 如字○僖元年先言次即是救彼傳亦云非救者  
 其實言次則並是非救但傳各隨  
 其本意而釋之鄭嗣言之詳矣

巳卯仲孫速卒

冬十月乙亥臧孫紇出奔邾○傳其日正臧孫紇之出也

○正其有罪遽伯玉曰不以道事其君者其出乎○



必不見容○遽其居反

晉人殺欒盈○傳惡之弗有也○不言殺其大夫是不有

之以爲大夫

齊侯襲莒○傳輕行掩其不備曰襲○輕遣政反又如字

二十有四年春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

冬楚子蔡侯陳侯許男伐鄭


公至自會

陳鍼宜咎出奔楚

鍼其廉反咎其九反

叔孫豹如京師

大饑五穀不升為大饑升成也一穀不升謂之嗛



**嗛**不足貌。嗛去二穀不升謂之饑三穀不升謂

之饑音近四穀不升謂之康康虛五穀不升謂之

大侵侵傷五穀至大侵。釋曰二穀不升謂之

謂之嗛謂之康嗛是不足之貌康是虛荒之名五穀

不升謂之大侵又謂之大饑者以經云大饑是傳文

順經言之經所云大饑者謂五穀不熟也其實大侵

者大饑之異名通而言之正是一物也傳欲分析五

種之名故與言之耳徐邈云有死者曰大饑無死者

曰大饑何休云有死曰大饑無死曰饑並以意言之

與穀梁大侵之禮君食不兼味臺榭不塗塗塗飾

一音射則接賓而射燕則因歡燕而為射既國大

**弛廢至燕射**。釋曰凡大射為祭擇士賓

饑君不宜燕樂故註舉燕射言之其實尚不祭鬼神

亦不應有大射賓射之禮故傳以弛侯總之或以為

明餘者亦不為之耳理亦通**百官布而不制**。官職

修列不可闕廢不更有造作鬼神禱而不祀。周書

曰大荒有禱無祀。先儒以為仲尼刪尚書之餘今

據其書與尚書不類未知是與非也**此大侵之禮也**

**二十有五年春齊崔杼帥師伐我北鄙**

**夏五月乙亥齊崔杼弑其君光**。莊公失言淫于崔氏

**放言將淫崔氏為此見弑也**。邵曰淫過也言莊公

言語失漏有過於崔子而崔子弑之故傳載其致弑

之由以明崔杼之罪甚。為此于偽。放言至罪

言謂放言謂放言語將淫崔氏邵解云謂言語失漏

有過於崔氏范兩載之者貴與說耳註又云傳載其

致弑之由者正謂此傳不更據別文也


公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

六月壬子鄭公孫舍之帥師入陳

秋八月己巳諸侯同盟于重丘。會夷儀之諸侯也重

丘齊地。重直龍反。公至自會



衛侯入于夷儀夷儀本邢地衛滅邢而為衛地

楚屈建帥師滅舒鳩屈居勿反

冬鄭公孫夏帥師伐陳夏戶雅反

十有二月吳子謁伐楚門于巢卒所以伐楚之事門于


巢卒也所以攻巢之門者為其伐楚之事故也然

則伐楚經巢子謁左氏作過于巢者外乎楚也若但言

伐楚卒而不言于巢者則卒在楚也言于巢則不在

楚門于巢乃伐楚也先攻巢然后楚乃可得伐

先攻巢。釋曰舊解巢楚竟上之小國有表裏之援故先攻之然后楚可得伐以為楚邑非也徐邈亦



云巢偃姓之國是也諸侯不生名取卒之名加之伐楚之上者

見以伐楚卒也其見以伐楚卒何也據伐楚惡事

無緣致本意見賢傳者與失國生名與故也古

者大國過小邑小邑必飾城而請罪禮也飾城者

修守備請罪問所以為闕致師之意守備手又反或如字吳

子謁伐楚至巢入其門門人射吳子有矢劓反舍而

卒古者雖有文事必有武備非巢之不飾城而請罪

非吳子之自輕也非責劓初良反

二十有六年春王二月辛卯衛甯喜弑其君剽此不

正其日何也殖也立之喜也君之正也君剽此不正其日何匹妙反父立以為

君則子宜君之以明正也正者以元年稱公孫見經故也

衛孫林父入于戚以叛


甲午衛侯衎復歸于衛衎日歸見知弒也衎書喜弒君

衎可言歸衎實與弒故錄日以見之書曰所以知其

與弒者言辛卯弒君甲午便歸是待弒而已故得速

也衎苦且反一本作衎見知賢徧反實與音豫下同衎既與弒不言入以

惡之者傳例歸為善復歸則居其兩端故傳復者復中國歸者歸其所今喜既弒君衎可言歸但以與弒



故從平文云復歸書各因以見惡耳不言入以明歸罪于甯喜也

夏晉侯使荀吳來聘

公會晉人鄭良霄宋人曹人于澶淵

秋宋公殺其世子座座在禾反

晉人執衛甯喜

八月壬午許男甯卒于楚宣宣九年九月辛酉晉侯黑

臀卒于扈傳曰其日未踰竟也此乃在楚何以日邪

隱三年八月庚辰宋公和卒傳曰日卒正也許男卒

于楚則在外已顯日卒明其正音境宣九至其

薄氏駁云此自發例於大國不明於小國其小國或詳或畧許男書日必正也范答云春秋稱世子國有非正周之襄王晉之恭子曹伯射姑亦是其例覆且之卒謂于日食之下何以知其不日然則范之此答據何文得知又周之襄王與恭子何以為別又薄氏之駁不問射姑而范答探意大過者案左氏襄王是惠后之子明襄王是嫡也故文八年書八月戊申天王崩恭世子是獻公烝父妾而生僖五年被殺不日故知非世子仍非嫡也薄氏之意見射姑稱世子而卒不稱日故駁云發例于大國小國自從詳畧故范以射姑非正答之據陳侯款僖七年寧母之會亦言世子至僖二十八年書卒之上亦不日明稱世子亦有非正也捷菑既貶則纓且是正故知纓且之卒蒙上日食之文可知襄王正公子不正而亦引以為例者欲明襄王正而稱世子申生不正亦稱世子據此言之明有不正而稱世子者

冬楚子蔡侯陳侯伐鄭

葬許靈公

二十有七年春齊侯使慶封來聘

夏叔孫豹會晉趙武楚屈建蔡公孫歸生衛石惡陳孔

奂鄭良霄許人曹人于宋

○奂呼亂反

衛殺其大夫甯喜傳稱國以殺罪累上也甯喜弑君其以累上之辭言之何也嘗為大夫與之涉公事矣傳

鄭嗣曰若獻入以喜有弑君之罪而殺之則不宜既

入以為大夫而得殺之明以他故

○復音扶又反涉公事矣○釋

曰舊解國家之事危若涉海以水行為喻也徐邈云涉猶歷也傳織絢邯鄲麋信云絢者著履為之頭即



周禮絢纒及純是也甯喜由君弑君而不以弑君之罪罪之者

惡獻公也獻公即衍也鄭嗣曰書甯喜弑其君則

喜之罪不嫌不明今若不言喜之無罪而死則獻公

之惡不彰惡獻烏路反


衛侯之弟專出奔晉專左氏作鱒專喜之徒也專之為喜

之徒何也已雖急納其兄與人之臣謀弑其君是亦

弑君者也專其曰弟何也據稱弟則無罪音紀專

有是信者言君本使專與喜為約約君許以寵賂

今反殺之獻公使專失信故稱弟見獻公之惡也見



賢徧反君賂不入乎喜而殺喜是君不直乎喜也故出

奔晉織絢邯鄲終身不言衛恥失信音寒邯音

舟專之去合乎春秋何休曰甯喜本弑君之家獻

公過而殺之小負也專以君之小負自絕非大義也

何以合乎春秋鄭君釋之曰甯喜雖弑君之家本專

與約納獻公爾公由喜得入已與喜以君臣從事矣

春秋撥亂重盟約今獻公背之而殺忠于已者是獻

公惡而難親也獻公既惡而難親專又與喜為黨懼

禍將及君子見幾而作不俟終日微子去紂孔子以

為三仁專之去衛其心若此合于春秋不亦宜乎與  
約如字又於妙反下同為約于  
偽反本或作盟約背之音佩

秋七月辛巳豹及諸侯之大夫盟于宋○溴梁之會諸

侯在而不曰諸侯之大夫大夫不臣也晉趙武恥之


豹云者恭也○不舉姓氏諸侯不在而曰諸侯之大

夫大夫臣也其臣恭也晉趙武為之會也○晉趙至

釋曰豹云能恭獨言趙武恥之者趙武恥溴梁之會  
大夫不臣故合帥諸侯大夫為恭故歸功趙武也傳

言豹云者據前  
稱氏後直名也

冬十有二月乙亥朔日有食之



二十有八年春無冰

夏衛石惡出奔晉

邾子來朝○朝直  
遙反

秋八月大雩

仲孫羯如晉

冬齊慶封來奔

十有一月公如楚○公如楚○釋曰書月者何休云危  
公朝夷狄案下二十九年公至自

楚傳云喜之也  
則何說是耳

十有二月甲寅天王崩○靈王

乙未楚子昭卒

二十有九年春王正月公在楚傳閔公也傳閔公為楚

所制故存錄

夏五月公至自楚傳喜之也傳凱曰遠之蠻國喜得全

歸致君者殆其往傳殆危而喜其反此致君之意義

也傳致君至義也○釋曰於此發之者以公遠之荆蠻故傳特發之明中國亦同也

庚午衛侯衎卒

闞弒吳子餘祭傳闞門者也寺人也不稱名姓闞不得

齊於人不稱其君闞不得君其君也禮君不使無恥

不近刑人傳

無恥不知臧否傳闞音昏守門人也祭

人不近附近之近下傳不狎敵不邇怨賤人非所貴也

貴人非所刑也刑人非所近也舉至賤而加之吳子

吳子近刑人也闞弒吳子餘祭仇之也傳怨仇餘祭

故弒之傳狎戶甲反怨無願傳闞門至之也○釋曰

之性備然後為人闞者虧形絕嗣無陰陽之會故不

復齊於人以主門晨昏開閉謂之闞以是奄豎之屬


故又謂之寺人也不狎敵不邇怨者言為人君之道

外不得狎敵內不得近怨何者吳過以狎敵蒙禍餘

卑賤之人無高德者不可卒貴貴人非所刑謂刑不

上大故不可刑之刑人非所近謂刑罪之人不可

信近之今吾子以奄人為闞是近之也舉至賤而加



之吳子近刑人也謂經書闡弒吳子餘祭者譏其近刑人也。○**怨仇餘祭**。釋曰國君不仇匹夫犯罪則誅之故知是闡怨也。

仲孫羯會晉荀盈齊高止宋華定衛世叔儀鄭公孫段

曹人莒人邾人滕人薛人小邾人城杞**古者天子**


封諸侯其地足以容其民其民足以滿城以自守也

杞危而不能自守故諸侯之大夫相帥以城之此變

之正也。○**諸侯微弱政由大夫大夫能同恤災危故**

曰變之正。○**變之正**。釋曰諸侯恤災救危是正今大夫為之故云變之正也。

晉侯使士鞅來聘



杞子來盟。○**杞復稱子蓋時王所黜**。復扶又反。

吳子使札來聘。○**杜預曰吳子餘祭既遣札聘上國而**

後死札以六月到魯未聞喪也不稱公子其禮未同

於上國。○**札側**。吳其稱子何也善使延陵季子故

進之也身賢賢也使賢亦賢也延陵季子之賢尊君

也。○**以季札之賢吳子得進稱子是尊君也其名成**

尊於上也。○**春秋賢者不名而札名者許夷狄不一**

而足唯成吳之尊稱直稱吳則不得有大夫。○**尊稱**

成尊於上也。○**釋曰謂**進吳稱子上謂君上也。

秋七月葬衛獻公

齊高止出奔北燕傳其曰北燕從史文也傳南燕姑姓

在鄭衛之間北燕姬姓在晉之北史曰北燕據時然

故不改也傳所言解時但有言燕者 ○北燕音煙國名姑其乙反又


其吉 從史文也 ○釋曰傳言從史文者以

冬仲孫羯如晉

三十年春王正月楚子使遠罷來聘傳聘例時此聘月

之何也泰曰桓二年宋督弑其君與夷傳曰書王以

正與夷之卒然則善有所明皆須王以正之書王必



上繫于春下統于月此書王以治蔡般弑父之罪爾

非以錄遠罷之聘 ○遠罷于委反下音皮與夷如字又音餘宋殤公名

夏四月蔡世子般弑其君固傳其不日子奪父政是謂

夷之 比之夷狄故不日也丁未楚世子商臣弑其

父傳曰日髡之卒所以謹商臣之弑也楚公子比弑

其君傳曰不日比不弑般弑不日而曰夷之何也徐


乾曰凡中國君正卒皆書日以錄之夷狄君卒皆不

日以畧之所以別中國與夷狄夷狄弑君而日者閔

其為惡之甚謹而錄之中國君卒例日不以弑與不

弑也至于卒而不日者乃所以畧之與夷狄同例子  
 般音班本髡苦班髡比之至同例○釋曰何休  
 苦門反以別彼列反廢疾云蔡世子班弑其君固  
 不日謂之夷楚世子商臣弑其君何以反書日邪鄭  
 玄釋之曰商臣弑父日之嫌夷狄無禮罪輕也今蔡  
 中國而又弑父故不日之若夷狄不足責然公羊有  
 若不疾乃疾之推以況此則無怪然此註之意與鄭  
 君釋廢疾大致同也但解商臣之弑書日少與耳何  
 者鄭云嫌夷狄無禮罪輕故日徐乾云閱其為惡之  
 甚故日是少與也昭十九年夏五月戊辰許世子止  
 弑其君賈傳云日弑正卒也與此異者彼以實不弑  
 君而書日故  
 與此異也

五月甲午宋災伯姬卒傳取卒之日加之災上者見以  
 災卒也其見以災卒奈何伯姬之舍失火左右曰夫



人少辟火乎伯姬曰婦人之義傳母不在宵不下堂

**宵夜**見以賢編反左右又曰夫人少辟火乎伯

姬曰婦人之義係母不在宵不下堂遂逮乎火而死

婦人以貞為行者也伯姬之婦道盡矣詳其事賢伯

姬也逮音代又大**取卒至姬也**釋曰外災例

計反行下孟反**時今伯姬之卒故進日在上**  
 以明災死也伯姬之婦道盡矣為共公卒  
 雖日久姬能守災死之貞謂之婦道盡矣

天王殺其弟佞夫傳曰諸侯且不首惡況於天子乎

君無忍親之義天子諸侯所親者唯長子母弟耳天

王殺其弟佞夫甚之也長丁**况於天子乎**釋

及反流  
 卷之六  
 汲古閣

異於諸侯故以輕況重舉重以明輕見輕重之道並見矣

王子瑕奔晉國不言出周無外

秋七月叔弓如宋葬共姬國共姬從夫之諡音恭外

夫人不書葬此其言葬何也吾女也卒災故隱而葬


之也國外夫人至葬之也。釋曰外夫人卒亦不書而云不書葬者傳云外夫人不葬者謂魯女

嫁於諸侯者唯當書卒不嫁於諸侯非謂不是魯女也

鄭良霄出奔許自許入于鄭鄭人殺良霄國不言大夫

惡之也國惡鳥。釋曰襄二十一年路反。晉人殺欒盈傳曰惡之弗有也彼

云不有則此亦然也重發傳者嫌與復入與故也



冬十月葬蔡景公國不日卒而月葬不葬者也卒而葬

之不忍使父失民於子也國鄭嗣曰夫葬者臣子之

事也景公無子不可謂無民無民則景公有失於民

有民則罪歸於子若不書葬則嫌亦失民故曰不忍

使父失民於子國不日至子也。釋曰成十五年秋

葬者也此云不日卒而月葬不葬者也重發傳而文

又與者傳例諸侯日卒時葬正也明違此即非正故

兩文以明之又解一弒一卒經文有日月之殊故重

發傳而文與日月有殊者宋共則日葬景公則月葬

是殊也宋襄失民不葬此失民書葬者此即是於失

晉人齊人宋人衛人鄭人曹人莒人邾人滕人薛人杞人小邾人會于澶淵宋災故會不言其所為其曰宋災故何也不言災故則無以見其善也其曰人何也救災以衆何救焉更宋之所喪財也償其所喪財故雖不及災時而猶曰救災所為干偽反以見賢徧反更音庚償也喪息浪反晉人至財也○釋曰公羊傳云卿則其償時亮反稱人何賤也曷為賤卿不得憂諸侯也左氏以為不歸宋財故取此傳云其曰人何救災以衆是三傳異也或當此會趙武亦在但取救災以衆故不顯澶淵之會中國不侵伐夷狄不入中國無侵伐八年善之也晉趙武楚屈建之力也無侵伐八年



年○釋曰徐邈云晉趙武楚屈建感伯姬之節故為之息兵其意以為諸侯閔伯姬之賢故歸宋財為澶淵之會此不相侵伐連會言之故知為伯姬也范氏不解理未必然言感伯姬歸宋財事亦可矣豈以一婦人之貞國則息兵八載人情測之必是未可又且傳稱趙武屈建之力則無楚屈建若據此後言之昭元年則此會不書楚人則無楚屈建若據此後言之昭元年即楚靈王即位不得云無侵伐八年若據二十六年澶淵之會言之何知彼有趙武屈建唯二十七年見經而云屈建之力者案左氏晉趙武以二十五年為政二十六年澶淵之會晉人列在鄭卿之上明是趙武但取溴梁不臣故屈於澶淵也其實晉人者趙武是為政起於二十五年再會澶淵一會宋又昭元年是屈建之功傳恐連公子圍之事故以屈建別之故左氏云相晉國於八年亦從二十五年數至昭元年也傳連此澶淵會言之者以諸侯靜兵由趙武功力此歸宋財亦是趙武為之以其息師故得憂災恤



患是以連言之耳

三十有一年春王正月

夏六月辛巳公薨于楚宮傳楚宮非正也註楚宮別宮


名非路寢

秋九月癸巳子野卒傳襄公大子音泰子卒日正也

八年子卒是也襄三十二年子般卒書日者以有所見故也今子野正卒書日嫌與子般同故傳發之以明昭公之繼正也

巳亥仲孫羯卒

冬十月滕子來會葬註書非禮



癸酉葬我君襄公

十有一月莒人弑其君密州

春秋穀梁註疏襄公卷第十六 終

春秋穀梁註疏昭公卷第十七 起元年盡十三年

晉范甯集解

唐楊士勛疏

昭公

**昭**

魯世家昭公名稠襄公之子以周景王四年即位諡法容儀恭明曰昭

元年春王正月公即位

**傳**繼正即位正也

**釋**

繼正即位正也○釋

曰重發傳者嫌繼子野非正故明之

叔孫豹會晉趙武楚公子圍齊國弱宋向戌衛齊惡陳

公子招蔡公孫歸生鄭罕虎許人曹人于郭

左氏作虢